


wirt gehaltnn/so ist die weiss gäng zu messen/vnd recht zugebenn/verendert worden. Dañ wie ich droben gesagt/so ist die massen der fundtgrüben auf dreyen ganzen wehren/vnd einer jeden anderen grüben auf zweien ganzen wehren gmachett/vnd der Bergkmeister/gibt einer jettlichen grüben die gerechtigkeit/disem der sie erstmalen gmuß hatt. Der künig aber oder Fürst/dieweil man ihm alle metalle müß verzolle/lasset er sich gwönlchen vom zehenden vernüge. Aber einer jettlichen massen/sie seye alt oder neuw/so ist der halbe teil der breite als wegen im ligende des gangs so in die tieffe fellt/das ander halb teil im hangen den. Ja auch so ein gang seiger gericht in die tieffe fellt/so fellt zügleich auch die massen seiger gericht in die tieffe/so aber der gang geheng ist/so ist auch die ganze massen geheng/welcher breite gerechtigkeit der herz/so fehr der gang in die tieffe fellt/allwegen behelt. Weiter der Bergkmeister/so er gebetten wirt/gibt er einem herren allein/oder seinen gwerken die gerechtigkeit nicht allein einer fundtgrüben/oder sonst einer grüben/sonder auch anderen nächste fundtgrüben/oder zweien grübē die hart daran stossen. Bis hiehar hab ich von den massen des gangs so in die tieffe felt/form vnd gestalt/ auch ihrer marscheidungen geredt. Luhn aber cum ich zu dem schwebenden gang/welches massen der vnsfang des orts nicht auf einerley weiss misset/dañ etwan an eim ort gibt ihnen d Bergkmeister ein form/die gleich ist deren gängen massen/so in die tieffe fäl lendt. Wirt allso mit diser weiss zwar/die massen der fundtgrüben auf dreyen ganzen wehren gemacht/die andere aber einer jeden grüben/nur auf zweien/wie ich dañ zu vor dis weitleufiger erklärt hab. Aber doch misset er als dañ die massen der grüben mit einem schnürlin/nicht allein/von d massen d fundgrüben/da fornen vnd dahinden/wie man dañ züthün pflegt/so die fornen d massen der herz des gangs so in die tieffe fellt/gibet/sonder auch von den seiten:vñ mit diser gestalit werden gformiert die massen/so ihm thal ein wasserbach/oß ein andere macht/den schwebenden gang entblößt hatt/das er ihn beiden ges hengē des gebirgs/oder bühels/oder feldes gesähē wirt. An eim anderen ort aber dupliert der Bergkmeister die breitte der fundtgrüben massen/vñ wirt die selbigen 14 lachtern/die andere aber einer ieden grübenn bleibt nuhr einfach/das ist siben lachtern/aber die lenge bschleift er mit keinem marzeil. Anders wo ist die masse der fundtgrüben auf dreien ganzen wehren/aber die breitte hatt vierzehn/die lenge ein vnd zwenzig lachter.

Die form der fundtgrüben massen.

XXI



XXI

Zügleicher weiss wirdt auch die massen einer jettlichen anderen grüben/aus zweien ganzen wehren gmachte/das sie nach der breitte 14 lachter/vñ auch eben so viel nach der lenge haben.

Liner